



Na osnovu Odluke o potrebi zapošljavanja novih radnika i pripravnika u Podružnici „Elektrodistribucija“, Sarajevo, u I (prvom) kvartalu 2021. godine u Djelatnosti distribucije, broj: 01-03-22664/21 od 15.07.2021.godine i Odluke o potrebi zapošljavanja novog radnika u Podružnici „Elektrodistribucija“, Sarajevo zbog neplaniranih okolnosti, broj: 01-03-22663/21 od 15.07.2021.godine, JP Elektroprivreda BiH d.d. – Sarajevo, Podružnica „Elektrodistribucija“, Sarajevo, objavljuje

O G L A S

za zapošljavanje radnika i pripravnika

Na neodređeno vrijeme, uz obavezan probni rad u trajanju od 6 (šest) mjeseci, na radnom mjestu:

1. Elektromonter (III-KV/IV-SS) u Službi za održavanja mreže i postrojenja (SA), 3 izvršioca, mjesto rada Sarajevo.

Zapošljavanje u svojstvu pripravnika na određeno vrijeme od 6 mjeseci, na radnom mjestu:

2. Elektromonter (III-KV/IV-SS) u Službi za održavanja mreže i postrojenja (SA), 4 izvršioca, mjesto rada Sarajevo.

Kratak opis poslova radnog mjesta **Elektromonter u Službi za održavanja mreže i postrojenja (SA)**: Revizija, održavanje i remont sredjenaponskih i niskonaponskih mreža i postrojenja, manipulacije na sredjenaponskim i niskonaponskim postrojenjima, ispitivanja, pronalaženja, lokalizovanja i opravka kvarova na vodovima niskog i visokog napona i postrojenjima, pregled ispravnosti mreže niskog i visokog napona i postrojenja, manipulacije na postrojenjima po nalogu.

Zapošljavanje na određeno vrijeme do povratka radnika sa neplaćenog odsustva, a najkasnije do 31.05.2022. godine, na radnom mjestu:

3. Elektromonter obračunskog mjerenja (III-KV/IV-SS), u Odjeljenju direktnih obračunskih mjerenja, 1 izvršilac, mjesto rada Sarajevo.

Kratak opis poslova radnog mjesta: Ugradnja i zamjena obračunskih mjernih uređaja za direktno mjerenje, kontrola mjernih mjesta, samoinicijativno ili po nalogu otkrivanje neovlaštene potrošnje, sačinjavanje zapisnika i ostalih potrebnih akata i dokaza u postupku utvrđivanja iste, predlaganje i provođenje ostalih mjera na smanjenju tehničkih i komercijalnih gubitaka električne energije, ugradnja i zamjena obračunskih mjernih uređaja, isključenje kupca, odnosno lica koje vrši neovlašteno trošenje električne energije i sačinjavanje odgovarajućih zapisnika, očitavanje mjernih uređaja.

Kandidati treba da ispunjavaju slijedeće uslove:

- da su državljani Bosne i Hercegovine, za sva radna mjesta
- da posjeduju srednju stručnu spremu III-KV/IV-SS, elektrotehničar, energetika/elektromonter/ elektroenergetičar/električar/elektroinstalater/elektromehaničar, za sva radna mjesta
- da imaju najmanje 6 mjeseci radnog iskustva u struci nakon sticanja tražene stručne spreme za radna mjesta navedena pod 1. i 3.

- da nemaju ostvareno radno iskustvo u struci u trajanju od 6 mjeseci ili više nakon sticanja tražene stručne spreme za radno mjesto navedeno pod 2.

Kandidati su obavezni **uz svojeručno potpisanu pismenu prijavu** na Oglas sa kraćom biografijom, adresom stanovanja i brojem telefona, te naznakom radnog mjesta na koje se prijavljuju, dostaviti dokumentaciju kojom dokazuju ispunjavanje uslova zahtjevanih Oglasom i to:

- Uvjerenje o državljanstvu, ne starije od 6 mjeseci, za sva radna mjesta
- Prijavu mjesta prebivališta – CIPS, ne stariju od 30 dana, za sva radna mjesta
- Diplomu o školskoj spremi i svjedočanstva o završenim razredima, za sva radna mjesta
- Potvrdu/Uvjerenje o radnom iskustvu u struci na nakon sticanja tražene stručne spreme, za radna mjesta navedena pod 1. i 3.
- Za radno mjesto navedeno pod 2., ukoliko je datum sticanja stručne spreme stariji od 6 mjeseci, kandidat je dužan dostaviti dokaz-izjavu datu pod materijalnom i krivičnom odgovornošću, ovjerenu od nadležnog općinskog organa uprave, da nema ostvareno radno iskustva u struci nakon sticanja tražene stručne spreme.

Potvrde ili uvjerenja poslodavca ili poslodavaca kod kojih je kandidat radio ili radi treba da sadrže podatke o tome na kojim poslovima je kandidat radio, naziv radnog mjesta, koliko dugo je obavljao navedene poslove, opis poslova, jasno preciziran period radnog angažovanja na radnim zadacima, tako da se na osnovu ovih dokumenata može utvrditi na kojim poslovima je kandidat radio i koliko dugo odnosno da posjeduje traženo radno iskustvo.

Dokumenti koji se neće prihvatiti kao valjan dokaz o traženoj vrsti radnog iskustva su:

Radna knjižica – kojima se dokazuje samo radni staž, te ista ne može dokazati nijedan oblik radnog iskustva.

Ugovori o radu, ugovori o obavljanju privremenih i povremenih poslova, ugovori o djelu, rješenja ili odluke o zasnivanju radnog odnosa – koji dokazuju samo početak radnog angažmana i naziv radnog mjesta, a ne i kontinuitet istog.

Sporazumi, rješenja ili odluke o prestanku radnog odnosa – koji dokazuju samo momenat prestanka radnog angažmana i sl.

Kandidati koji su demobilisani borci, članovi porodice šehida i poginulih boraca ili imaju status ratnih vojnih invalida ili su član porodice ratnih vojnih invalida prema propisima koji regulišu oblast boračko invalidske zaštite, dužni su dostaviti dokaz o ovom statusu.

Kandidati koji su nezaposleni treba da dostave potvrdu o toj činjenici izdatu od strane Zavoda za zapošljavanje.

Kandidati koji su ranije obavili pripravnički staž u Društvu ili su ranije radili u Društvu po osnovu ugovora o radu na određeno vrijeme u struci koja se traži za radno mjesto na koje se prijavljuju dužni su dostaviti dokaz o toj činjenici (odgovarajuće Uvjerenje/Potvrdu).

Sva tražena dokumentacija, koju kandidati prilažu uz prijavu, dostavlja se u originalu ili ovjerenoj kopiji, ovjerena kod nadležnog organa. Ukoliko se dokumentacija dostavi u ovjerenoj kopiji može se od kandidata zahtijevati uvid u originalne dokumente.

U slučaju da se kandidat prijavljuje na više radnih mjesta oglašanih ovim Oglasom, dužan je podnijeti posebne prijave i uz svaku od prijava priložiti traženu dokumentaciju.

Kandidati koji budu dostavili blagovremenu, urednu i potpunu prijavu i prema traženoj dokumentaciji budu ispunjavali uslove Oglasa biće pozvani na usmeni ispit.

O mjestu i vremenu održavanja ispita kandidati će biti blagovremeno obaviješteni.

Kandidati koji budu izabrani, prije zaključivanja Ugovora o radu, biti će upućeni na ljebarski pregled kod nadležne zdravstvene ustanove, radi utvrđivanja zdravstvenog stanja i radne sposobnosti za obavljanje poslova radnog mjesta na koja budu izabrani.

Neuredne (nepotpisane), nepotpune i neblagovremene prijave odbaciće se zaključkom.

Prijavljeni kandidati koji ne budu izabrani biće pismeno obaviješteni o ishodu Oglasa, a priložena dokumentacija neće se vraćati.

Oglas ostaje otvoren 8 (osam) dana od dana objavljivanja u dnevnim novinama.

Prijave na Oglas u zatvorenoj koverti dostaviti putem pošte ili lično na adresu:

JP Elektroprivreda BiH d.d.-Sarajevo Podružnica „Elektrodistribucija“, Sarajevo, Zmaja od Bosne br.49, Sarajevo, sa naznakom „Prijava na Oglas“ i naznakom radnog mjesta na koje se prijava podnosi(lično podnijete prijave na protokol se zaprimaju radnim danom ponedjeljak-petak u periodu od 07:30-16:00 sati).